



Vogošća, ul. Jošanička, br. 80; tel: 00387 33 586 413, fax: 586 418

Broj: 03-23-445/18
Vogošća, 26.03.2018. godine

Na osnovu člana 69. stav 2. tačka tačka d), člana 70. Zakona o javnim nabavkama BiH ("Službeni glasnik BiH" broj: 39/14), i člana 71. i 125. Statuta Općine Vogošća ("Službene novine Kantona Sarajevo", broj 27/14-Prečišćeni tekst i 14/15), Općinski načelnik dana 26.03.2018. godine donio je

**ODLUKU
O PONIŠTENJU POSTUPKA JAVNE NABAVKE RADOVA NA SANACIJI OPĆINSKIH
POSLOVNIH PROSTORA U ULICI OMLADINSKA BROJ 41., NA PODRUČJU OPĆINE
VOGOŠĆA**

Član 1.

Poništava se postupak javne nabavke radova na sanaciji općinskih poslovnih prostora u ulici Omladinska broj 41., na području općine Vogošća broj: 03-23-445/18, jer nijedna od primljenih ponuda nije prihvatljiva.

Član 2.

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

OBRAZLOŽENJE

Općinski načelnik je dana 07.03.2018. godine donio Odluku o pokretanju postupka Konkurentskog zahtjeva za dostavu ponuda za izvođenje radova na sanaciji općinskih poslovnih prostora u ulici Omladinska broj 41., na području općine Vogošća, zajedno sa objavljivanjem obavještenja o nabavci i tenderske dokumentacije na Portalu javnih nabavki BiH dana 09.03.2018. godine pod brojem: 1353-7-3-40-3-24/18.

Tendersku dokumentaciju sa Portala javnih nabavki BiH je preuzelo 17 (sedamnaest) ponuđača. Krajnji rok za prijem ponuda je bio 19.03.2018. godine do 14:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 19.03.2018. godine.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene dvije ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Inter-com" d.o.o. Zenica	22.176,85	/	/	25.946,92
2	"Galbols" d.o.o Sarajevo	16.992,64	/	/	19.881,38

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve Ugovornog organa u Tenderskoj dokumentaciji broj: 03-23-445/18 iz marta 2018. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača "Inter-com" d.o.o. Zenica, ne ispunjava formalno-pravne uslove tražene Tenderskom dokumentacijom i to:

- Tačkom 7.4.2. pod b) TD, a u svrhu dokazivanja ispunjenja uslova iz tačke 7.4.1. pod b) traženo je da se kao dokazi dostave kopije diploma/svjedočanstava o završenoj stručnoj spremi za 4 KV radnika građevinske struke i kopije dokaza o radnom angažmanu, dok je za 6 NK radnika kao dokaz potrebno bilo dostaviti samo kopije dokaza o radnom angažmanu. Kao dokazi o radnom iskustvu i radnom angažmanu za sve tražene osobe TD su predviđeni izvodi iz matične evidencije uposlenih (PIO/MIO), Liste osiguranih lica iz Poreske uprave-nadležne ispostave, potvrde-uvjerenja izdata od strane poslodavca, ugovori o djelu, ugovori o poslovno tehničkoj saradnji, shodno tački 7.4.1 b).

Ponuđač "Inter-com" d.o.o. Zenica u svojoj ponudi nije ispoštovao zahtjeve Ugovornog organa tražene TD, te nije dostavio sve tražene dokaze (diplome/svjedočanstava o završenoj stručnoj spremi za 4 KV radnika građevinske struke). Naime, Ponuđač je dostavio dokaze za 2 KV radnika (Dževad Smajić i Nermin Stupar), dok je propustio da dostavi dokaze za preostala 2 KV radnika tražena TD (dostavljene su diplome za uposlenike sa završenom SSS IV stepen-Orhan Šabanović i Adnan Baručija, a za koje Komisija za javne nabavke cijeni da nisu u skladu sa traženim dokazima iz tačke 7.4.2. pod b) TD, te da iste nisu prihvatljive za Ugovorni organ).

Također, Ponuđač je u svojoj ponudi (strana 66 ponude) dostavio Listu osiguranih lica iz Poreske uprave-Ispostava Zenica, iz koje je vidljivo da ponuđač "Inter-com" d.o.o. Zenica na raspolaganju ima 3 NK radnika, dok je TD zahtjevano minimalno 6 NK radnika.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj: 39/14) predmetna ponuda je formalno-pravno neispravna i kao takva nije prihvatljiva za Ugovorni organ.

Ponuda ponuđača "Galbols" d.o.o Sarajevo, ne ispunjava formalno-pravne uslove tražene Tenderskom dokumentacijom i to:

- Tačkom 7.4.2. pod b) TD, a u svrhu dokazivanja ispunjenja uslova iz tačke 7.4.1. pod b) traženo je da se dostave kopije diploma/svjedočanstava o završenoj stručnoj spremi za 4 KV radnika građevinske struke i kopije dokaza o radnom angažmanu, a za 6 NK radnika potrebno je bilo dostaviti kopije dokaza o radnom angažmanu. Kao dokazi o radnom iskustvu i radnom angažmanu za sve tražene osobe TD su kao dokazi predviđeni izvodi iz matične evidencije uposlenih (PIO/MIO), Liste osiguranih lica iz Poreske uprave-nadležne ispostave, potvrde-uvjerenja izdata od strane poslodavca, ugovori o djelu, ugovori o poslovno tehničkoj saradnji, shodno tački 7.4.1 b).

Ponuđač "Galbols" d.o.o Sarajevo je u svojoj ponudi propustio da dostavi tražene dokaze (diplome/svjedočanstava o završenoj stručnoj spremi za 4 KV radnika građevinske struke), kao i dokaze da ima na raspolaganju 6 NK radnika traženih TD.

- Tačkom 7.4.2. pod c) TD, a u svrhu dokazivanja ispunjenja uslova iz tačke 7.4.1. pod c) TD-posjedovanje građevinskih mašina i tehničke opreme neophodnih za uspješno izvođenje predmetnih radova, traženo je da se kao dokaz dostave kopije važećih saobraćajnih dozvola/potvrda o registraciji shodno tački 7.4.1 C. TD.

Ponuđač "Galbols" d.o.o Sarajevo u svojoj ponudi nije dostavio tražene dokaze. Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj: 39/14) predmetna ponuda je formalno-pravno neispravna i kao takva nije prihvatljiva za Ugovorni organ.

Iz navedenih razloga, a postupajući u skladu sa odredbama člana 68. Zakona o javnim nabavkama BiH, Komisija za javne nabavke je jednoglasno dala preporuku Općinskom načelniku da donese Odluku o poništenju postupka nabavke radova na sanaciji općinskih poslovnih prostora u ulici Omladinska broj 41., na području općine Vogošća, iz razloga jer nijedna od primljenih ponuda nije prihvatljiva, a u skladu sa članom 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14).

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od pet dana od prijema Odluke o poništenju postupka javne nabavke izjaviti žalbu. Žalba se podnosi Uredu za razmatranje žalbi BiH putem Ugovornog organa.

Dostavljeno:

1. "Inter-com" d.o.o. Zenica
2. "Galbols" d.o.o Sarajevo
3. Nadležnoj Službi
4. U dosije
5. a/a

032/446-801
033/653-000

OPĆINSKI NAČELNIK

EDIN SMAJIC